

續
後
漢
書

五



續後漢書

(五)

郝經撰

續後漢書卷第二十四

列傳第二十一

漢臣

楊戲 王嗣

常播

衛繼

譙周

子熙
文立

孫秀

卻正

楊戲字文然，犍爲武陽人也。少與巴西程祁公宏、巴郡楊汰季儒、蜀郡張表伯達並知名。戲每推祁以爲冠首，丞相亮深器之。戲年二十餘，從州書佐爲督軍從事，職典刑獄，論法決疑，號爲平當。府辟爲屬主簿。亮薨，爲尙書右選部郎。刺史蔣琬請爲治中從事。琬以大將軍開府，又辟爲東曹掾。遷南中郎參軍副貳。庾亮降都督領建寧太守，以疾徵還，成都拜護軍監軍，出領梓潼太守，入爲射聲校尉。所在清約，不煩延。熙二十年，隨大將軍姜維軍至芒水。戲素心不服維，酒後言笑，每有傲弄之辭。維外寬內忌，竟不能堪。軍還，有司承旨奏戲，免爲庶人。景耀四年卒。戲簡情省略，未嘗以甘言加人。過情接物，書符指事，希有盈紙。然篤于舊故，居誠存厚。與巴西韓儼、黎韜、童幼相親厚。後儼痼疾廢頓，韜無行見捐。戲經紀振卹，恩好如初。又時人謂譙周無當世才，少歸敬者。惟戲重之，嘗稱曰：「吾等後世終自不如此長兒也。」有識者以此貴戲。張表有威儀風觀，始名位與戲齊。後至尙書督，庾亮降，後將軍先戲沒。祁、汰各早死。戲以延熙四年著季

漢輔臣贊

原注。陳志。其所序述。今多載于蜀書。是以記之于左。自品以後。卒者則不追諡。故或有應見稱紀而不在乎篇者也。其戲之所贊而今不作傳者。余皆注疏本末于其詞下。可以俛知其彷彿云爾。

其序曰。

昔文王歌德。武王歌興。夫命世之主。樹身行道。非惟一時。亦由開基植緒。光于來世者也。自我中漢之末。王綱棄柄。雄豪並起。役殷難結。生人塗地。于是世主感而慮之。初自燕代。則仁聲洽著。行自齊魯。則英風播流。寄業荆郢。則臣主歸心。顧援吳越。則賢愚賴風。奮威巴蜀。則萬里肅震。厲師庸漢。則元寇斂迹。故能承高祖之始兆。復皇漢之宗祀也。然而姦凶慙險。天征未加。猶孟津之翔師。復須戰于鳴條也。天祿有終。奄忽不豫。雖攝歸一統。萬國合從者。當時雋乂扶攜。翼戴明德之所懷致也。蓋濟濟有可觀焉。遂乃並述休風。動于後聽。其辭曰。

皇帝遺植。爰滋八方。別自中山。靈精是鍾。順期挺生。傑起龍驤。始于燕代。伯豫君荆。吳越憑賴。望風請盟。挾巴跨蜀。庸漢以并。乾坤復秩。宗祀惟寧。躋基履迹。播德芳聲。華夏思美。西伯其音。開慶來世。歷載攸興。

贊昭烈皇帝。

忠武英高。獻策江濱。攀吳連蜀。權我世真。受遺阿衡。整武齊文。敷陳德教。理物移風。賢愚競心。僉忘其身。誕靜邦內。四裔以綏。屢臨敵庭。實耀其威。研精大國。恨于未夷。

贊諸葛丞相。

司徒清風。是否臧。識愛人倫。孔音鏘鏘。

贊許司徒。

關張赴赴。出身匡世。扶翼儔上。雄壯虎烈。藩屏左右。翻飛電發。濟于艱難。贊主洪業。倖迹韓耿。齊聲雙德。交待無禮。並致姦慝。倬維輕慮。隕身匡國。

贊關雲長張益德。

驍騎奮起。連橫合從。首事三秦。保據河潼。宗計于朝。或異或同。敵以乘釁。家破軍亡。乖道反德。託鳳攀龍。贊馬孟起。

翼侯良謀。料世興衰。委質于主。是訓是諮。暫思經算。視事知幾。

贊法孝直。

軍師美至。雅氣曄曄。致命明主。忠情發臆。惟此義宗。亡身報德。

贊龐士元。

將軍敦壯。推鋒登難。立功立事。于時之幹。

贊黃漢升。

掌軍清節。亢然恆常。讜言惟司。民思其綱。

贊董幼宰。

安遠強志允休允烈輕財果壯當難不惑以少禦多殊方保業

贊鄧孔山

揚威才幹欵欵文武當官理任衍衍辨舉圖殖財施有義有敘

贊費賓伯

屯騎主舊固節不移既就初命盡心世規軍資所恃是辦是裨

贊王文儀

尙書清尙敕行整身抗志存義味覽典文倚其高風好侔古人

贊劉子初

安漢雍容或婚或賓見禮當時是謂循臣

贊糜子仲

少府修慎鴻臚明眞諫議隱行儒林天文宣班大化或首或林

贊王元泰何彥英杜輔國周仲宣

車騎高勁惟其泛愛以弱制強不陷危墜

贊吳子遠

安漢宰南。奮擊舊鄉。翦除蕪穢。惟刑以張。廣遷蠻濮。國用用彊。

贊李德昂。

輔漢惟聰。既機且惠。因言遠思。切問近對。贊時休美。和我業世。

贊張君嗣。

鎮北敏思。籌畫有方。導師禳穢。遂事成章。偏任東隅。末命不祥。哀悲本志。放流殊疆。

贊黃公衡。

越騎惟忠。勵志自祇。職于內外。念公忘私。

贊楊季休。

征南厚重。征西忠克。統時選士。猛將之烈。

贊趙子龍陳叔至。

鎮南羸強。監軍尙篤。並豫戎任。任自封裔。

贊輔元弼劉南和。

司農性才。敷述允章。藻麗辭理。斐斐有光。

贊秦子敕。

正方受遺。豫聞後綱。不陳不僉。造此異端。斥逐當時。任業以喪。

贊李正方。

文長剛嚴。臨難受命。折衝外禦。鎮保國境。不協不和。忘節言亂。疾終惜始。實惟厥性。

贊魏文長。

威公狷狹。取異衆人。閑則及理。逼則傷侵。舍順入凶。大易之云。

贊楊威公。

季常良實。文經勤類。士元言規。處仁聞計。孔休文祥。或才或臧。播播述志。楚之蘭芳。

贊馬季常。衛文經。韓士元。張處仁。殷孔休。習文祥。

國山休風。永南耽思。盛衡承伯。言臧言時。孫德果銳。偉南篤常。德緒義彊。志壯氣剛。濟濟修志。蜀之芬香。

贊王國山。李永南。馬盛衡。馬承伯。李孫德。李偉南。龔德緒。王義彊。

休元輕寇。損時致害。文進奮身。同此顛沛。患生一人。至于宏大。

贊馮休元。張文進。

江陽剛烈。立節明君。兵合遇寇。不屈其身。單夫隻役。隕命于軍。

贊程季然。

公安後生卓爾奇精。天命二十。悼恨未呈。

贊程公安

古之奔臣。禮有來徧。怨興同官。不顧大德。靡有匡正。倍成奔北。自絕于人。作笑二國。

贊糜芳、士仁、郝普、潘濬

戲所贊諸賢。自見書傳。其行事可按也。其餘史失其事。陳壽史略具名字。生出本末。故并錄于後云。

孔山名方。南郡人。以荊州從事隨昭烈入蜀。爲犍爲屬國都尉。因易郡名爲朱提。方爲太守。遷安遠將軍。庾降都督。住南昌縣。章武二年卒。

賓伯名觀。江夏鄆人。劉璋母觀之族姑也。璋又以女妻觀。建安十八年參李嚴軍。拒昭烈于綿竹。與嚴俱降。昭烈既定益州。拜爲裨將軍。後爲巴郡太守。江州都督。建興元年封都亭侯。加振威將軍。觀爲人善于交接。都護李嚴性自矜高。護將軍輔匡等年位與嚴相次。而嚴不與親。觀年少嚴二十餘歲。而與嚴通狎。如時輩云。年三十七卒。

元弼名匡。襄陽人。隨昭烈入蜀。爲巴郡太守。建興中徙鎮南。爲右將軍。封中鄉侯。

南和名邕。義陽人。隨昭烈入蜀。爲江陽太守。建興中稍遷至監軍。後將軍。賜爵關內侯。卒。子式嗣。少子武有文。與樊建齊名。官亦至尙書。

處仁本名存。南陽人。以荊州從事隨昭烈入蜀。南次于雒。以爲廣漢太守。存素不服龐統。統中矢卒。昭烈發言嘉歎。存曰。統雖盡忠可惜。然違大雅之義。昭烈怒曰。統殺身成仁。更爲非也。免存官。頃之病卒。

孔休名觀。爲荊州主簿。別駕從事。文祥名禎。襄陽人。隨昭烈入蜀。歷雒縣令。南廣漢太守。有流風善政。談論名亞龐統。而在馬良之右。子忠亦有名。官至尙書郎。忠子隆爲步兵校尉。掌校祕書。

國山名甫。廣漢郫人也。好人流言議。劉璋時爲州書佐。昭烈定蜀後爲綿竹令。還爲荊州議曹從事。隨昭烈征吳。軍敗于秭歸。遇害。子祐有父風。官至尙書右選郎。

偉南名朝。永南之兄。郡功曹。舉孝廉臨邛令。入爲別駕從事。隨昭烈征吳。章武二年卒于永安。一弟早亡。各有才望。時人號爲李氏三龍。羣下上昭烈爲漢中王。其文朝所造也。

德緒名祿。巴西安漢人。昭烈定益州。爲郡從事。牙門將。建興三年。爲越雋太守。隨丞相亮南征。爲蠻夷所害。時年三十一。弟衡。景耀中爲領軍。

義強名士。廣漢郫人。國山從兄也。從昭烈入蜀。後舉孝廉爲符節長。遷牙門將。出爲宕渠太守。徙在犍爲。會丞相亮南征。轉爲益州太守。將南行。爲蠻夷所害。

休元名習。南郡人。隨昭烈入蜀。昭烈東征。習爲領軍。統諸軍大敗于猊亭。

仁字君義，廣陽人，爲將軍，住公安，統屬關侯。與侯有隙，叛迎孫權。

普字子太，義陽人，昭烈自荊州入蜀，以普爲零陵太守，爲吳將呂蒙所譎，開城詣蒙，仕吳，爲廷尉卒。謹案

志傳略所載二十餘人，此書多取作正傳，故不復見，其不立傳者十四人，仍存傳略陳文。

議曰：戲志趣不凡，識高思敏，有逸才，跌宕不拘，度外之士也。大將軍琬與之言論，戲倨不答，琬不惟不責，

又稱其快，一忤姜維，銜之，不置，終以斥廢，人之度量于此見矣。陳壽蜀志及裴松之傳注，自丞相亮以下，

關張佐命數人外，將相牧伯，參佐僚屬，功烈著顯者七十餘人，及戲爲贊，失其行事而不見紀傳者，又數

十人。最爾梁益，人才若是，皆亮獎拔甄收，陶鑄磨厲，調變器使，毫末絲粟之長，莫不畢用，棟隆而柱石壯，

樓閣居楔。楔，烏回反。闕，五結反。居，音玷。楔，失烈反。締奏其間，共與贊興漢業，故能信倡大義，抗衡吳魏，漢亡而爲晉名

臣者，猶數十人。高光餘烈，英靈炳蔚，浮動草木，有光屬天，不與赤星俱隕，於戲盛哉！前後據蜀僭竊者，公

孫述而下，如李雄、王建、孟知祥，皆稱號數十年。原注：晉載記：李特據廣漢，攻成都，克之，特卒，弟流領其衆。

二世。李壽改號漢，傳子勢，桓溫滅之，凡四十六年。五代史：唐天復七年，王建僭號號蜀，傳子衍，後唐郭崇韜滅之，凡二十年。後唐天成末，孟知祥僭號，號蜀，傳子昶，宋滅之，凡三十二年。閻弱猥瑣，絕無

一人可稱道。庸蜀之險，良是而寂寂無聞，乃知人材盛衰，不在于地而在于人。詩曰：濟濟多士，文王以寧。

又曰：愷悌君子，遐不作人。孔明有焉。王嗣字承宗，犍爲資中人也，其先延熙世以功德顯著，舉孝廉，稍遷

西安園督，汶山太守，加安遠將軍，綏集羌胡，咸悉歸服，諸種素桀惡者，皆來首降，嗣待以恩信，北境得以

寧靜大將軍維每出北征，羌胡出馬、牛、羊、氈、氍。原注音餌。及義穀裨軍糧，國賴其資，遷鎮軍故領郡。後從維北征，爲流矢所傷，數月卒。戎夷會葬，贈送數千人，號呼涕泣。嗣爲人美厚，篤至，衆所愛信。嗣子及孫，羌胡見之如骨肉，或結兄弟云。

常播字文平，蜀郡江原人也。播仕縣主簿，功曹。縣長廣都朱游，建興十五年中，被上官誣劾，以逋沒官穀，當論重罪。播詣獄訟爭，身受數千杖，肌膚刻爛，毒痛慘至，更歷三獄。幽閉二年有餘，每將拷掠，吏先驗問，播不答，言但急行罰，無所多問。辭終不撓，事遂分明，長免刑戮。時惟主簿楊玩亦證明其事，與播辭同。衆咸嘉播忘身爲君，節義抗烈，舉孝廉。除郿長，年五十餘卒。書于舊德傳。後縣令潁川趙敦圖其像贊頌之。衛繼字子業，漢嘉嚴道人也。兄弟五人，繼父爲縣功曹，繼爲兒時，與兄弟隨父游戲庭中，縣長蜀郡成都張君無子，數呼功曹子省弄，甚憐愛之。張因言宴之間，語功曹欲乞繼，功曹卽許之。遂養爲子。繼敏達夙成，學識通博，仕州郡歷職清顯，而其餘兄弟四人各無堪當世者。父恆言己之將衰，張明府將盛也。時法禁以異姓爲後，故復爲衛氏。累遷奉車都尉，尙書。謹按：今陳志作大尙書，大字衍。忠篤信厚，爲衆所敬。鍾會之亂，遇

害成都。

議曰：嗣恩服羌戎，播忠于所事，皆一節之士。漢季之良也。繼以父命爲人後，復以父命而復，可謂共矣。然倫類之變，不足法于後也。

謹案目錄此下有譙周傳今闕止存熙子秀一篇

熙子秀字元彥性靜嘿不交于世雖內外宗親不與相見

原注晉書隱逸傳秀知天下將亂預絕人事

州郡辟命及李雄據蜀

安車徵秀又雄叔驤驤子壽辟命皆不應常冠鹿皮冠躬耕山藪永和三年安西將軍桓溫平蜀表薦秀

曰臣聞大樸既虧則高尚之標顯道喪時昏則忠貞之義彰故有洗耳投淵以振元邈之風

原注荀子貢石而赴河是

行之難爲者也而申徒能之注曰申徒狄恨道不行發憤負石自沈于河莊子音義曰殷時人韓詩外傳曰申徒狄將自投于河崔嘉聞而止之不從

亦有秉心矯迹以倬在三之節是

以上代之君莫不崇重斯軌所以篤俗訓民靜一流競伏唯大晉應符御世運無常通時有屯蹇神州丘

墟三方圯裂免置絕響于中林白駒無聞于空谷

原注詩肅肅兔置施于中林皎皎白駒在彼空谷

斯有識之所悼心大雅之所

歎息者也陛下聖德嗣興方恢天緒臣昔奉役有事西土鯨鯢既縣思宣大化訪諸故老搜揚潛逸庶武

羅于羿浞之墟想王燭于亡齊之境

原注左傳羿棄武羅伯因熊髡彪圍而用寒浞王燭賢令軍中環畫邑三十里無入使人請燭燭謝不往燕人曰不來吾

史記樂毅勝齊聞畫邑

且屠畫邑燭曰忠臣不事二君烈女不更二夫齊王不用吾諫故退而耕于野國破君亡吾不能存而又劫之以兵吾與其不義而生不若死遂經其頸于樹枝自奮絕脰而死

竊聞巴西譙秀植操

貞固抱德肥遯揚清渭波于時皇極遘道消之會羣黎蹈顛沛之艱中華有顧瞻之哀幽谷無遷喬之望

凶命屢招姦威仍偪身寄虎吻危同朝露而能抗節玉立誓不降辱杜門絕跡不面僞庭進免龔勝亡身

之禍退無薛方詭對之機

原注龔勝事見前注謝曰龔舜在上下有巢由今明主方隆唐虞之德小臣欲守箕山之節也使者以聞

不強致雖園綺之棲商洛管寧之嘿遼海方之于秀殆無以過于今西土以爲美談夫旌德禮賢化道之

說其言不強致雖園綺之棲商洛管寧之嘿遼海方之于秀殆無以過于今西土以爲美談夫旌德禮賢化道之

所先。崇表殊節。聖哲之上務。方今六合未康。豺狼當路。遺黎偷薄。義聲弗聞。益宜振起道義之徒。以敦流

遁之弊。若秀蒙蒲帛之徵。足以鎮靜頽風。軌訓囂俗。幽遐仰流。九服知化矣。朝命徵之。秀稱疾不行。

原注

書隱逸傳。桓溫滅蜀。上疏薦之朝廷。以秀年在篤老。策道遠故不徵遣。使敕所在四時存問。

及范賁蕭敬相繼叛亂。秀避難宕渠。鄉里宗族馮依者以百

數。秀年八十。衆欲代之負擔。拒曰。各有老弱。當先營救。吾氣力自足。不以垂朽之年累諸君也。後十餘年

卒。原注。陳志注。秀卒于家。

郤正字令先。河南偃師人也。祖父儉。靈帝末爲益州刺史。爲盜賊所殺。會天下大亂。故正父揖因留蜀。爲大將軍孟達營都督。隨達降魏。爲中書令史。正本名纂。少以父死母嫁。單煢隻立。而安貧好學。博覽墳籍。弱冠能屬文。入爲祕書吏。轉爲令史。遷郎至令。性淡于榮利。而尤耽意文章。自司馬王、揚、班、傅、張、蔡之儔。遺文篇賦。及當世美書善論。益部有者。則鑽鑿推求。略皆寓目。自在內職。與宦人黃皓比屋。周旋經三十年。皓從微至貴。操弄威權。正既不爲皓所愛。亦不爲皓所憎。是以官不過六百石。而免于憂患。依則先儒假文見意。號曰釋譏。其文繼于崔駰達旨。其辭曰。或有譏余者曰。聞之前記。夫事與時並。名與功偕。然則名之與事。前哲之急務也。是故創制作範。匪時不立。流稱垂名。匪功不記。名必須功。而乃顯。事亦俟時。以行止。身沒名滅。君子所恥。是以達人研道。探賾索微。觀天運之符表。考人事之盛衰。辨者馳說。智者應機。謀夫演略。武士奮威。雲合霧集。風激電飛。量時揆宜。用取世資。小屈大伸。存公忽私。雖尺枉而尋直。終揚

光以發輝也。今三方鼎峙。九有未乂。悠悠四海。嬰丁禍敗。嗟道義之沈塞。愍生民之顛沛。此誠聖賢拯救之秋。烈士樹功之會也。吾子以高朗之才。珪璋之質。兼覽博聞。留心道術。無遠不致。無幽不悉。挺生取命。幹茲奧祕。躊躇紫闥。喉舌是執。九考不移。有入無出。

原注。尚書曰。三載考績。三考黜陟幽明。九考則二十七年。

究古今之真僞。計時務

之得失。雖時獻一策。偶進一言。釋彼官責。慰此素飡。固未能輸竭忠款。盡瀝胷肝。排方入直。惠彼黎元。俾吾徒草鄙。並有聞焉也。盍亦綏衡緩轡。回軌易塗。與安駕肆。思馬斯徂。審厲揭以投濟。要夷庚之赫撫。播秋蘭以芳世。副吾徒之彼圖。不亦盛與。余聞而歎曰。嗚呼。有若云乎邪。夫人心不同。實若其面。子雖光麗。既美且豔。管闕筐舉。守厥所見。未可以言八紘之形埒。信萬事之精練也。或人率爾仰而揚衡曰。是何言與。是何言與。余應之曰。虞帝以面從爲戒。孔聖以悅己爲尤。若子之言。良我所思。將爲吾子之論而釋之。昔在鴻荒。矇昧肇初。三皇應籙。五帝承符。爰及夏商。前典攸書。姬衰道缺。霸者翼扶。嬴氏慘虐。吞囓八區。于是從橫雲起。狙詐如星。奇邪蠱動。智故萌生。或飾真以讎僞。或挾邪以干榮。或詭道以要上。或鬻技以自矜。背正從邪。棄直就佞。忠無定分。義無常經。故執法窮而慝作。斯義敗而姦成。呂門大而宗滅。韓辯立而身刑。夫何故哉。利回其心。寵耀其目。赫赫龍章。鑠鑠車服。媮幸苟得。如反如仄。淫邪荒迷。恣睢自極。和鸞未調。而身在轅側。庭宇未踐。而棟折榱覆。天收其精。地縮其澤。人弔其躬。鬼芟其頤。初升高岡。終隕幽壑。朝含榮潤。夕爲枯魄。是以賢人君子。深圖遠慮。畏被咎戾。超然高舉。寧曳尾于塗中。穢濁世之休譽。彼

豈輕主慢民而忽于時務哉。蓋易著行止之戒。詩有靖共之歎。乃神之聽之。而道使之然也。自我大漢。應天順民。政治之隆。皓若陽春。俯憲坤典。仰式乾文。播皇澤以熙世。揚茂化之醲醇。君臣履度。各守厥貞。上有詢納之宏。下有匡救之責。士無虛華之寵。民有一行之迹。粲乎粲粲。尙此忠益。然而道有隆窳。物有興廢。有聲有寂。有光有翳。朱陽否于素秋。元陰抑于孟春。義和逝而望舒係。運氣匿而耀靈陳。沖質不永。桓靈墜敗。英雄雲布。豪傑蓋世。家挾殊議。人懷異計。故從橫者歛披其胷。狙詐者暫吐其舌也。今天綱已綴。德樹西鄰。丕顯祖之宏規。縻好爵于士人。興五教以訓俗。豐九德以濟民。肅明祀以酌祭。幾皇道以輔真。雖跼者未一。僞者未分。聖人垂戒。蓋均無貧。故君臣協美于朝。黎庶欣戴于野。動若重規。靜若疊矩。濟濟偉彥。元愷之倫也。有過必知。顏子之仁也。侃侃庶政。冉季之治也。鷹揚鸞騰。伊望之事也。總羣俊之上略。含辭氏之三計。敷張陳之祕策。故力征以勤世。援華英而不遑。豈暇修枯籜于榛穢哉。然吾不才。在朝累紀。託身所天。心焉是特。樂滄海之廣深。歎嵩嶽之高峙。聞仲尼之贊商。感鄉校之益己。彼平仲之和羹。亦進可而替否。故矇冒警說。時有攸獻。辟適人之有采于市閭。游童之吟咏乎疆畔。庶以增廣福祥。輸力規諫。若其合也。則以關協明。進應靈符。如其違也。自我常分。退守己愚。進退任數。不矯不誣。循性樂天。夫何恨諸。此其所以既入不出。有而若無者也。狹屈氏之常醒。濁漁父之必醉。溷柳季之卑辱。編夷叔之高懟。合不以得。違不以失。得不充詘。失不慘悸。不樂前以顧軒。不就後以慮輕。不粥譽以干澤。不辭愆以忌紕。

